

下



明季實錄卷之三

古吳顧炎武寧人氏輯

從逆諸臣攷

偽禮政府右侍郎楊觀光賓用招遠人戊辰官右庶子

偽太常寺丞項煜水心吳縣人乙丑少詹事

賊攷選首名授弘文館學士何瑞屏徽荆信陽人戊辰

偽編修陳名夏史百溧陽人癸未會元探花編修兼戶

偽弘文院修撰韓四維城昌平籍嵩縣人辛未諭德

偽戶政府少堂楊士聰島岫濟寧人辛未諭德

偽弘文館修撰高爾儼武進靜海人庚辰榜眼編修

偽修撰楊廷鑑如武進人癸未狀元修撰

簡討傅鼎銓臨川人庚辰

少詹兼侍讀方拱乾桐城人戊辰

簡討方以智桐城人庚辰

偽編修張之奇新城人庚辰簡討

劉世芳蘭生膚施人庚辰簡討

偽兵政府侍郎梁兆陽階番禺人戊辰簡討首倡助

簡討趙玉林潭無錫人庚辰授四川內江縣令

偽簡討周鍾介金壇人癸未庶吉士己酉四月初六日典刑

授原官魯卓韋山陰人癸未

偽原官李化麟汶韓城人癸未

偽簡討朱積古華亭人癸未

授原官吏可程適祥符人癸未

防禦使張元琳西塘晉江人癸未

昭代作魯卓

昭代作華隆

授原官梁清標玉錦衣籍真定人癸未

授原官李長祥現齊達州人癸未

授原官成克鞏青壇大名人癸未

直指使楊棲鶚木西鄉人癸未

改順天教授劉餘謨瀟懷寧人癸未以貌不當意故改授順天教授

偽直指使趙穎韓項城人癸未以牛金星鄉同年故多所援引

偽戶政府司務魏學濂退嘉善人癸未

蒼溪縣偽令吳爾堦介崇德人癸未

劉肇國阮安福人癸未

王自超茂會稽人癸未以年少不更事不用起行賄選司仍許補

密雲縣偽令姚文然若桐城人癸未以貌不揚故授密雲縣偽令

何儺光次杞縣人癸未

白儺謙若水陽城人癸未

傅學尚綏麻城人癸未

張玄錫冲清苑人癸未

何九雲培晉江人癸未以年老不用

劉廷琮繹 番禺人 癸未

高衍念 蒙陰人 癸未

黃燦燕 夷陵人 癸未

呂崇烈見 安邑人 癸未

萬發祥瑞 新喻人 癸未 以塗面粉 龍耳夾一夾

張端天 掖縣人 癸未 大司寇 張忻子

魏天賞崧 遂平人 癸未

龔昂鉉 永昌籍 保山人 癸未

史垂譽龍 豐城人 癸未

李呈祥結 霑化人 癸未

羅憲斌皇 南昌人 癸未

楊明琅質 晉江人 癸未

胡統虞此 嘗德籍 武陵人 癸未

張家玉正 東莞人 癸未 賊初降之 罵不絕口 綑縛 三晝夜後 竟為賊 授偽職

偽祭酒薛所蘊行 孟縣人 戊辰 司業

偽吏政府考功郎郭萬象一 高陵人 甲戌 文選郎中

改偽府尹劉廷諫良通州籍寧海人己未考功郎中

偽稽勲郎侯佐東解州人甲戌驗封員外

偽驗封郎熊文舉雪新建人辛未稽勲郎

吏部主事王顯純伯曲周人丁丑

吏部司務孫節雲楚雄籍武進人丙子

黨崇雅姜千寶雞人乙丑戶部右侍郎

偽戶政府屬孫襄伍宣城人甲戌郎中

偽政府屬陳宸誦我濟寧人丁丑郎中

偽戶政府屬李申一徵南和人甲子員外

偽戶政府屬姬琨雲華州人官員外

偽戶政府從事賀久部菴湘鄉人戊午主事

偽戶政府從事陳聯璧字光化人官主事

偽授原官介松年赤解州人辛未主事

別單開有吳箴公仲蒲田人庚辰特用郎中

郎中傅鷺祥汝陽人官生

郎中南廷鑄不渭南人官生

郎中鄭爾圻起安肅人官

員外王鳳林臣羽芮城人官

郎中李鍾秀元做蒲州人丁卯

員外王高才無奇三原人甲子

主事胡之彬文菴光州人甲戌

偽戶政府屬余原之蘭梁山人辛未郎中

偽禮政府吳泰來履受新昌人辛未員外甘來胞弟

員外余忠宸沫都昌人丁丑

授安縣令湯有慶晴嶺長洲人丁丑員外

梓潼縣令張琦餘棗無錫人甲戌主事

主事高去奢柱河寧晉人丁丑

偽吏政府司務葉澍滄公橫州籍豐城人丁卯司務

別單開黃熙胤茶庭晉江人辛未郎中

主事吳之琦雪茵晉江人丁丑

偽兵政府屬耿章光祖館陶人丁丑員外

偽兵政府屬朱國壽宛平籍丹陽人辛未員外

偽兵政府員外方允昌沒諸暨人甲戌主事督漕  
江南乘官船至宿遷

別單有授淮安同知鄒魁明建昌人丁卯員外  
員外趙開心門洞長沙人甲戌

主事黃紀似瀘州人甲子

主事修廷獻我濟寧人丁丑

主事張慎學正趨夏縣人丁丑

主事劉養貞念大邑人辛未馬大堂官賊怒而宥之

昭代孝作編修  
劉廷獻恐非

主事黃昌胤秦錄沅江人丁丑

主事劉慶蕃借滄州人戊辰

主事吳文熾澍錢塘籍休寧人庚辰特用

別單有主事歸起先律常熟人癸未

主事李登雲梯晉江人丁丑

吳剛思癸未

主事繆沅廷丁丑改助教

別單有開主事何復見平度人甲戌

吳剛思與下  
重出此似當  
刪



主事趙之璽崑陽樂平人甲子

工科給事中金汝礪太液仁和人甲戌

陝西道御史張懋爵修其汾陽人辛未

偽府尹黃國琦五湖新昌人丁丑滋陽知縣行取

候選授偽縣令胡顯梅師井研人癸未

候選授程玉成江津人癸未

候選偽戶政府從事王爾祿清澗人癸未

候選揚州府尹楊璫大興人癸未

候選兵政府從事吳剛思武進人癸未

偽直指使尚有張鳴駿廣陽龍溪人庚辰江西道

偽授原官賀王盛無丹陽人戊辰大僕寺丞

偽鳳陽府尹王子耀伯子華陰人癸未行人

偽山東防禦使徐家麟鄆縣人癸未

偽四川縣令王自阜黎山西保德人選貢晉州知州

偽長蘆運使王孫蕙曾無錫人甲戌行取濬縣知縣

偽大常寺正卿劉昌羸祥符人乙丑戶科左給事

中昌與偽牛相同鄉最用事凡從逆者俱借馬

偽諫議申芝芳如嘉定人辛未禮科給事中

偽諫議戴明說岩滄洲人甲戌禮科左給事中

偽宜賓縣令時敏修遵化籍常熟人丁丑兵科給

偽授直指使龔鼎孳蕪湖合肥籍臨川人甲戌兵科

偽縣令傅振鐸度金谿人丁丑兵科給事

偽防禦使孫承澤北海順天籍孟都人辛未刑科都給事中

偽諫議光時亨萬桐城籍祁門人甲戌刑科給事

賊嫌貌醜改四川縣令翁元益象上海人甲戌刑科給事

偽政府屬郭克元隴西人丁丑刑科給事

偽都直指高翔漢雲寶雞人甲子工科右給事

從賀天津人賀柳寅東鳳四川梓潼籍陝西徽州人辛未應天巡按

偽諫議韓文銓水咸寧人甲戌河南道

偽廬州府尹熊世懿宗麻城人辛未河南道

偽防禦使蘓京臨安東人丁丑江西道

偽直指使陳羽白文眉南靖人甲戌廣東道

候缺未補蔡鵬霄培晉江人戊辰四川道

改庶吉士裴希度晉卿田陽籍遵化人甲戌陝西道

改庶吉士衛貞固紫嶺韓城人甲戌雲南道

直指使涂必泓海印南昌人辛未掌河南道印

徐一掄英上虞人甲子山東道

授原職趙京仕城固人壬戌通政司左叅議

驗馬寺卿宋學顯令長洲人戊辰通政司右叅議

授大理寺卿吳履中山暄金壇人乙丑戶部侍郎

偽助教錢位坤大長洲人辛未大理寺寺正

偽政府屬周蘭雲聚羅山人庚辰評事

偽大理卿吳家周柳和州籍歙縣人乙丑尚寶卿

偽防禦使林銘球紫濤漳浦人壬戌光祿監事

偽成都府同知呂兆龍靜金壇人癸未中書舍人

偽府尹姜金胤雲滄掖縣人癸未中書舍人

偽祠祭司從事李森先琳掖縣籍平度人庚辰博士

偽政府屬吳道新桐城人助教

偽政府屬許作梅傳新鄉人庚辰行人

偽太常寺正卿李元鼎謀吉水人壬戌太僕寺丞

偽戶部員外張元輔相孝義人丁丑行人

偽授原官李丕著愚曲沃人丁丑行人

吳達雪航無錫人庚午邯鄲知縣

阜城縣知縣黃繼祖虞無錫人廩薦

偽吏政府喻上猷翠石首籍豐城人辛未浙江道御

史以匿喪被劾叩閔降賊

降虜方大猷歐烏程籍德清人丁丑河南僉事

張鳴駿廣龍溪人庚辰戶部侍郎中原任江西道御

劉漢儒蓼大興縣人壬戌壬申四川巡撫甲戌草職

衛周祚文曲沃人丁丑戶部郎中

王承曾菴夏邑人甲戌襄陽知府失城

原毓宗礪蒲城人戊辰山東僉事

傅鼎銓庵臨川人庚辰簡討

張若麒天膠州人辛未兵部郎中監軍督戰失

明代作冒錄宗

機下獄降賊督兵守關

葉初春匡湖口人戊辰太僕寺正卿

翠焞陝西真寧人辛未河南提學叅政

楊起枝扶金山衛人甲戌戶科給事中

廖國遴符孟長沙縣人丁丑原任戶科給事中癸

未革職

幸免諸臣攷

國文嘉定伯周奎雲大興籍長洲人都城破賊將張

姓者至踞其室奎夫人卜氏姑媳皆自縊卜氏即

先后所自出也諸子皆束縛以去兵士辱奎特

甚後有權將軍李至見奎謙讓之極頗憐之乃以

耳房數間撥與幸免于刑死子鉉夾未死幼子鏗

鏗孫澄清澤俱存外傳奎獻太子以求免寔無

此事大都以鄙吝招謗耳

浙江巡撫董象恒華亭人已未在獄中擬充餉贖罪

釋出遁

行取御史周亮元祥符籍金谿人庚辰命已下見

勢迫不任而遁

安廬巡撫鄭二陽潛庵鄆陵人已未從獄中釋遁

登萊巡撫曾櫻雲二峽江人丙辰從獄中釋遁

副使施元徵如曠無錫人已未

兵部左侍郎張伯鯨繩泰州人丙辰逃最早

太嘗少卿王都漸崇德人乙丑

廣東道御史楊爾銘錦四川筠連人甲戌

誅戮諸臣攷

成國公純朱臣心翼懷遠人獻門勸進世臣中之最逆

者吳鎮兵臨賊欲迎敵恐其有變誅之

定國公徐允禎中鳳陽人與成國同誅昔建文之

難其祖先增壽以獻門獲爵今始食其報云他元

勲威斃罕有全者不能盡錄

次輔陳演贊井研人壬戌賊聞其富遂加毒刑所

吐金銀最多珠亦盈斗先是演貴治一僕僕恨之

遂出首于賊言主家甚富即如某處有銀四萬八千兩賊兵如言往掘果如是因是垂涎不已受刑最慘竟誅死

東閣大學士魏藻德思通州籍上元人庚辰狀元夾二夾追出銀一萬七千兩其妻櫻二次子亦二夾德飲水一盃死

東閣五瑜鞠宜城人乙丑或云夾死或云自盡又云與演等同日被害

刑辱諸臣攷

太康伯張國紀章憲祥符人父子俱夾打籍沒

周鑑源明大興籍長洲人左都督國丈嘉定伯之長

子素有弱疾以夾死弟鉉一夾僅存奎姪銘削髮遁被獲亦受夾奎甥嗣子奎名鐸一夾獻銀六百兩俱不死勲戚中受刑辱者甚衆不能詳知特志周氏一門以例其餘

東閣方岳貢修高穀城人壬戌夾一夾完贖三千兩後



自引決

吏部尚書李遇知篋洋縣籍榮昌人庚戌

吏部尚書雷躍龍鶴夢新興籍上元人已未夾二夾

吏部左侍郎沈惟炳洲孝感人丙戌夾二夾

吏部侍郎張維機中晦晉江人乙丑夾二夾一頭極又

夾其僕二夾奪賊刃自刎死

兵部添設右侍郎撫昌密右副都金之後凡豈嘉興人

已未被獲夾二夾不死今聞為虜中大司馬

工部尚書陳必謙益常熟人夾二夾傷歸復遇土賊

傷其掌指狼狽而免歸數日病死

戶部右侍郎王正志澗靜海人戊辰夾二夾其子亦

一夾一縶

刑部尚書張忻北掖縣人乙丑子張端天癸未

庶吉士

少詹兼侍讀方拱乾菴桐城人戊辰為賊所執以美

婢四名賂賊將羅姓者得免夾青衣小帽額貼黃

紙順字存于何瑞徽楊廷鑑徽乃其同年鑑其門生也

少詹兼侍讀胡世安潭井硯人戊辰夾二夾

諭德衛胤文菴韓城人辛未以削髮被獲夾二夾

左中允楊昌祚昭宣城人甲戌以剪髮夾二夾

編修林增志先瑞安人戊辰以削髮夾四夾甚慘

編修宋之繩武溧陽人癸未榜眼削髮被獲以周楊

二人力荐于王旗鼓免夾囚之

編修李士導河二程鄉人戊辰夾四夾甚慘

簡討方以智曼桐城人庚辰克定王講官賊兵挾

往見偽刑官逼認獻銀若干後乘間逃歸

庶吉士萬發祥新榆人癸未以塗面粧髻夾

刑科給事中朱徽初進賢人辛未

工科給事中彭瑄白子四川永州人甲戌

浙江道御史馮垣登心中新昌人庚辰

山西道御史吳邦臣震山陰人庚辰

雲南道御史鄭楚勳初莆田人甲子舉人

考選御史曹溶秋岳嘉興人丁丑

吏部主事吳藻日震固始籍南昌人庚辰以前髮夾二夾

吏部主事楊玄錫康侯晉江人甲戌十三登科十四登

甲榮陟天部人共至次以為仙佛再世乃亦已羞忍

辱至此惜哉

戶部郎中張鳴駿廣陽龍溪人庚辰

戶部郎中陸禹思會侯溧陽人庚辰特用

戶部主事彭敷曆靜涵丹陽人庚辰特用

兵部郎中朱蒂煌玉璠無為籍五開人甲戌

兵部主事劉若宜奉齋懷寧人丁丑

刑部員外郎陳鵬舉麻城人丁卯不投揭被執見偽

刑官叱使跪不屈椎擊亂下死斃家人願以身代

死賊義而釋之

昭代作逢吉

工部郎中李逢甲延青浦人己未夾二次

工部郎中聶一心感富順人庚午

工部員外潘同春皆生餘姚人丁丑

工部主事趙士錦前常熟人丁丑

工部主事鄒逢吉夔湖口人丁丑夾死

工部主事申濟芳維寧長洲人官生夾損一足死而復活

太僕正卿北祭酒孫從度大器清苑人戊辰夾四夾追

銀四百兩死于家

中書劉明侯惟省恩縣人丁丑以削髮夾二夾

中書陳翔懷杞閩縣人癸未以削髮夾二夾

行人郝傑棧清朔州籍綏德人丁丑以削髮被夾

行人謝于宣鄆縣人癸未以削髮觸怒夾三夾幾死

行人劉中藻羽福安人庚戌以抗言願歸籍觸怒賊被夾

太常寺博士龔共懋熙玉四川江津人庚辰

武學教授沈浣先崑山人丁卯夾損一足追銀兩五百

國變錄尚有鄭逢蘭范方俱注夾一日夜死蔡國

光曹惟才俱注夾一夾何肇元注夾一夾逃復被

執李起龍注削髮夾他單所無又有楊若喬注光

緒拘繫未夾

順天府推官劉有瀾綺南宮人庚辰不堪夾打以銀

簪刺喉而死國變錄開死節

禮部侍郎兼侍讀楊汝成方華亭人乙丑夾一夾以

古玉杯金壺等物送王旗鼓仍授職

太常少卿掌文選郎中事沈自彰順天籍上元人辛

丑夾二夾留用

戶部左侍郎王鰲永澗淄川人乙丑夾二夾留用

戶部寺丞吳履中安金壇人乙丑夾一夾仍授天

理卿

順天府尹郝晉崑棲霞人戊辰夾二夾留用

中書舍人呂兆龍靜金壇人癸未

戶部主事蕭時豐玩大興人丁丑夾四夾

禮部主事張正聲冲惠安人甲戌夾二夾

吳伯宗 夾一日夜死

削髮受刑諸臣攷

衛胤文二夾留用

楊昌祚剪髮二夾

林增志四夾不死受刑最慘

中書劉明傑省思縣人丁丑二夾

吳藻昌二夾

萬發祥一夾庶常概用無受夾者以塗面粧龍耳觸牛

賊之怒

行人李起龍景純南宮人丁丑二夾

行人郝傑棧清順天霸州籍陝西綏德人丁丑剪髮

行人謝子宣三夾幾死

劉中藻三夾

中書陳翔此懷閩縣籍長樂人癸未削髮二夾

方拱乾剪髮二夾自求留用

林蘭友二夾

方岳貢二夾完贖三千兩不死留用

張維機二夾一腦箍又夾其僕二夾奪賊刀自刎死

五瑜二夾完贖五千兩不死留用

楊汝成一夾以古玉杯金壺等物托周鐘送王旗鼓

仍授職

吳履中一夾授職

王正忠二夾公子一夾一授

陳必謙二夾

李明睿二夾

金之後二夾

沈維炳二夾

王鰲永二夾留用

郝晉二夾留用

胡世安二夾

李自淳四夾

沈自彰二夾留用

張忻二夾留用

陳純德二夾留用

方以智二夾

王都二夾留用

鄭楚勳二夾

吳邦臣二夾

黃熙胤二夾

趙士錦一夾

陸禹思二夾



呂兆龍佯投御河為賊所獲一夾授成都府同知

兵科給事顧鏗青城成都人丁丑二夾留用

戶部主事蕭時豔豐城大興人丁丑四夾

禮部主事張正聲冲至惠安人甲戌二夾

蔡國光二夾

臨淄知縣鄒逢吉夔石湖口人丁丑二夾至死

劉中蒸抗言願歸籍觸怒二夾

保定知縣欽取何肇九有羅武進人舉人一夾逃去

昭代作學元

又被獲

吏部司務鄭逢蘭芝澤侯官人甲子夾一日夜死

曹惟才二夾

戶部主事范方介同安人辛酉夾一日夜死

吳宗伯夾一日夜死

浙江道御史馮垣登心中人戊辰夾一日夜死

孫從度四夾追銀四萬完訖死

李逢申一夾

宋之純削髮因楊周二入薦于王旗鼓免夾

周亮工逃

楊若喬

玉衡

北通州人丁丑逃

戶部主事汪光緒介通州籍武進人癸酉逃

安丘知縣

欽取劉令尹子大同籍滄洲人庚辰俱

未夾逃

雷躍龍二夾

張鳳翔二夾

潛身諸臣攷

蔣德璟十三日辭出崇文門外住

鄭之陽逃

曾櫻逃

施元徵逃

張伯鯨逃

汪惟效逃

工部主事翁希禹警言菴官生候官人逃

程兆科長淑上饒籍永豐人逃

新進士官偉鏐泰州人逃

程子奇逃

彭遇凱逃

施元

蔣臣削髮逃

癸未傳臚譚貞良嘉興人潛匿扮乞丐逃

新進士史夏隆宜興人扮乞丐逃

新進士嚴通福州府人逃

新進士林飭福清人逃

王崇簡逃

禮部郎中周仲璉彞仲長興人甲戌削髮扮僧人逃

叛逆奸臣及賊授偽官攷

嘉定伯周

奎路大興籍長洲人獻太子

張縉彥十九日辰時同太監杜秩亨開齋化東便二

門獻賊後仍被夾戮死

宋企郊從逆之首應魚鱗剖

杜勳

十九日即授偽官職

光時亨授兵部給事中

方允昌授兵部員外坐官船二隻在宿遷縣催漕糧  
楊起枝授文選司掌選

禮部郎中劉大鞏熙廣昌人甲戌授禮部員外

二十日諸人倡為助餉之說各寫五千金託宋企

郊先投手本即召見

梁兆陽授兵政府侍郎

楊觀光授禮政府侍郎

周鍾授簡討撰勸進表登極詔并獻下江南策逢

人便說牛老師極為嘆賞

項燭授太常寺丞時京師言渠門生黎志陞為賊

心腹欲大拜之即昌言于眾曰大丈夫名節既不

全當立蓋世功名如管仲魏徵可也後授職不稱

始適歸

薛所蘊授祭酒

何瑞徵授弘文院教習庶吉士

葉初春授大理寺丞

錢位坤授國子監丞初牛賊不收托周鍾黃綠偽文  
選司顧楊赴部時對人曰我明日此時便非凡人  
京師有不凡人傳

趙京仕授左通政

宋學顯授駝馬寺

賀王盛授太僕寺

吳家周授尚賓卿

董象恒留用未授職

楊廷鑑授修撰

韓四維修撰

高爾儼編修

陳名夏懸標為家人所救授編修

張之奇順慶府尹

趙玉森調別衙門用為避四川缺未補

傅鼎銓授原職

楊明耿防禦使

魏學濂戶部司務其僕以學濂墮壞家門忠孝對家

主前自刎死

庶吉士張元琳塘西晉江人防禦使

吳尔堦四川蓬溪人授防禦使

魏天賞兩淮運使馳驛出

劉廷琮堂繹從化籍四番禺人四川知縣

張玄錫授知縣

高珩授知縣

胡統虞授知縣

傅學禹授知縣

羅憲汶授知縣

白胤謙授知縣

李化麟授原職

何胤光授知縣

李呈祥授原職

龍共鼎授原職

昭代作棲鷲

趙頴知縣

楊棲鄴

黃燦

成克鞏原職

張端授知縣

呂崇烈防禦使庶常中之諍諍者

劉餘謨授原職

朱績授原職

昭代作餘謹

史可程授原職廿四日特召見挾令作家書到南京

張家玉罵賊捆三晝夜不死仍授原職

以上俱翰林

吏部員外左懋泰明萊陽人甲戌吏政府從事

侯佐吏政府從事

熊文舉從事

劉廷諫四川同知

以上俱吏部



昭代名作明

孫承澤四川防禦使

戴明說山東防禦使

傅振鐸四川同知

時明<sup>敏</sup>四川知縣赴選時適吏部門閉叩門大呼曰

我兵科時明也

申芝芳禮科給事

龔鼎孳防禦使

高翔漢授左都

翁元益夜為賊棍打面腫宋企郊嫌其貌不揚授四

川知縣

郭克刑科給事

金汝礪四川知縣

朱徽四川知縣

彭瑄山西知縣

以上俱給事中

林銘球<sup>濤</sup>漳浦人戊辰四川知縣

柳寅東原職

陳羽白原職

張鳴駿俱授直指使

蔡鵬霄候京堂缺補

改授庶吉士衛禎固四川府尹

貴川道涂必泓印海南昌人辛未四川府尹

以上俱御史

行人王子曜伯華陰人癸未庚辰鳳陽府尹

許作梅禮部員外

兵部主事鄒魁明先考建昌人丁卯淮安府同知

新進士吳剛思武進人兵政府從事

新進士徐家麟鄆縣人山東防禦使

行人吳允謙春內江人丁丑山西知縣

繆沅國子監學正

行人李之奇嵐封山西交城人丁丑防禦使

胡顯

行人李丕著愚曲沃人丁丑

現任兵部主事龔彛知梅永昌籍順寧人戊辰俱授行人

行人張元輔相山西孝儀人丁丑戶部員外

呂滋陽行取知縣

黃國琦湖新昌人丁丑

中書呂兆隆靜金壇人庚辰

吏部員外王顯純曲周人丁丑

駐劄居庸保定推官董復天武進人癸未副榜

刑部主事黃昌胤籙沅江人丁丑

廬州府尹河南道熊世懿宗麻城人辛未

順天府官劉有濶綺南宮人庚辰

偽縣令兵科給事傅振鐸度金谿人丁丑

行人胡顯梅師四川石研人癸未

兵部主事秦沂生無錫人癸未

阜城知縣黃繼祖愚無錫人廩薦

邯鄲知縣吳達航無錫人庚午

昭代作龍

偽梓潼縣令禮部主事張琦餘無錫人甲戌

以上俱選縣其他已挂選而不知何衙門者則有

戶工二部右侍郎王鰲永澗淄川人乙丑夾二夾留

總督糧餉侍郎王正志源靜海人戊辰

順天府尹郝晉崑山東棲霞人戊辰

左叅議左通政趙京仕關陝西城固人壬戌

總督糧餉右侍郎党崇雅子寶雞人乙丑

原任兵部左侍郎侯恂直商丘人丙辰

兵部郎中張若麟天膠州人辛未授偽命督兵守閔

太僕寺丞李元鼎梅吉水人壬戌

太僕寺丞賀玉盛無丹陽人戊辰

其官之大小不同而總之皆事偽朝為偽官察得

大明會典凡從逆諸臣父母流三千里妻子沒入

功臣家為奴田產屋宅皆沒入官立振乾綱大加

天討是在

新天子矣

大學士請申大逆上諭

大學士馬士英請申大逆事奉

聖旨北京陷後凡稽首逆賊身污偽命的逆惡滔天  
神人共殛據奏光時亨龔鼎彝周鐘與陳名夏項煜  
等并其餘從逆苟免諸臣先着科道官逐名嚴覈公  
同具奏來看以憑法司定罪行

諸臣題奏殉難死節事上諭

謹題為

七月初七日署禮部尚書顧錫疇殉難死節事

聖旨仗節死義范景文等十人應得謚廕祠卹着禮部從優議叙有遺漏的察寔補叙其反君事仇諸人先着吏部併科道官確核除名法司即行分別定罪俱限十日內次第具奏

戶科給事中熊汝霖謹題為城激死難事奉

感

聖旨楊文瓊布衣死難衣帶中二語烈烈可傳着核

寔旌表

禮部進士王日俞直陳就義事奉

聖旨許琰以諸生憤死足愧逃降諸臣禮部覆奏  
戶科給事中陸朗題為部臣殉難事奉

聖旨徐有聲罵賊支解殉難最烈該部從優旌卹  
禮部侍郎管紹寧題為死不辱國事奉

聖旨劉熙祚罵賊殉義不愧風紀祭葬依擬與謚忠  
毅贈廕一子入監讀書四忠共祠俱准行

四忠

劉熙祚

王

章

馬世奇

金

鉉

管紹寧恭報吳鎮事奉

聖旨吳襄闔門殉難忠烈可嘉著贈遼國公夫人

氏加祭二壇併與祭葬二子同時死節應贈卹職銜  
著兵部議覆

陝西監軍御史題奏諸臣殉難請旌表疏

陝西監軍御史霍達為確報延鎮殉難各官併各鎮  
死難鄉紳懇乞

聖慈優卹以培忠義事臣據榆林死難遊擊陳二典  
家人來投總督單開城內戰死者原任總兵尤世威  
侯世祿侯拱極王學書王世欽三世國李昌齡原任  
副將尤翟文常懷德等原任遊擊孫貴等原任守備  
白慎衡等見任遊擊傅德等見任守備陳一典尤勉



等掌印指揮李文焜等以上各官皆誓死守城臨難不屈表表大節真可炳耀千秋垂光青史而一時同難指揮千百戶各官死者過千人矣則又一時之奇千古之特搦焉至如臣都任知力不支合門俱死難而尤世威以身任提調守城之責見城已陷舉家百口付之烈燄而身冲鋒刃戰死街心則又雄武忠烈之至苦者也至慶陽府城內官弁紳衿同心死守賊狠攻回日城陷屠戮一空而道臣段復興知府董玩鄉紳原任太常寺少卿麻禧等皆以身殉難忠節表著所當一併議卹者也

賊初八日入關時攻陷商州道臣王世清不屈慘死已經奏報外城內鄉紳士民慘遭屠戮惜無主名不敢請卹至如鄉紳原任冢宰南企仲老臣倔強辱死道傍禮部主事南居業被執不屈罵賊而死宣府巡撫焦源清不投偽職凌辱至死大同巡撫焦源溥被執罵賊兼斷其舌山西叅政田時震誥封副都御

史朱常德俱因不受偽職自盡山東按察使道純奉  
其親于蒲城之北殷村堡賊等到省城罵不屈而死  
咸寧縣舉人朱誼泉係宜川王奉國中尉賊欲加以  
偽官投井自盡凡此皆聞見極確真所謂精忠不二  
併視死如歸寔足以風勵臣節扶植綱常所當從優  
賜卹以慰忠魂以示風勵者也

甲申二月廿七日吏部確報延鎮殉難事奉

聖旨南企仲贈太子少保王道純贈太僕少卿南居  
業贈光祿寺少卿各廕一子朱誼贈順天府宛平縣  
知縣韓上言宋世遴贈按察司僉事各廕一子焦源  
清焦源溥田時震俱准復原官贈右僉都御史朱家  
任贈右副都御史

南企仲弦蒲陝西渭南人前康辰太僕寺正卿

王道純

南居業元家嶺渭南人甲辰禮部主事

焦源清一三原人丁未宣府巡撫

焦源溥一涵三原人癸丑大同巡撫

田時震御宿富平人壬戌山西叅政

韓上言

宋世遴

朱誼

朱家任崑海臨洮府河洲人戊辰冀北道右叅議

河南道叅議段復興徽山東陽穀人甲戌

慶陽府知府董琬珥石北直開州人官生

鄉紳原任太常少卿麻禧立齋陝西慶陽人丁丑

明季實錄卷之三

古吳顧炎武寧人氏輯

鹿城募建報

國道場追荐忠魂水陸大會疏

邇者潢池竊發

寢廟震驚我

大行皇帝血詔臣民烈殉社稷爰及

聖后同時

上賓地圻天崩寔終古未有之變成仁取義激敷天  
不共之仇追維

御極之初以迄

升遐之日凶危洊至艱大獨膺十

七年不釋外虜內寇之憂千萬世共切有君無臣之  
痛苞苴塞路朋黨盈廷無事則載寶而朝有急則奉  
身而退

君父孤危而莫問百姓愁嘆而固聞致使神州陸沉  
中原鼎沸舉目有山河之異臨風動禾黍之悲言念  
厲階真堪痛哭賴遺烈之震動感忠憤之勃興一時  
在廷頗多就義誓心一劍毋污校尉之鬚握節九原

次  
家  
特  
卿  
跋  
血  
在  
義  
斷  
成  
之  
骨  
甌  
不  
身  
騎  
箕  
尾  
氣  
作  
山  
河

義焯汗青烈垂竹帛嗚呼燐流碧草陳些招正則之  
精魂貫白虹噙指吊真源之厲懷古如此撫今可知

吾等痛哭時艱媿顏平原之殺賊躊躇夜半慚祖刺  
史之聞雞徒受主恩固申國恤聞知隣邑共以

佛事而効涓埃敢告是邦亦藉善緣以輪忠愛期始  
仲秋之朔泊乎月望之辰願仗懺摩少抒哀痛處此  
枕戈待旦之日亦見同袍偕作之懷

龍馭儼臨 天威在望旁列忠魂之姓氏普及死事  
之臣民清楚所流羣品咸恫嗚呼  
君恩猶父况值 天王之聖朝率土皆臣豈應吾邑  
而獨後屆期襄事諒有同心敬申左袒之盟遙致  
北闕之拜毋任激切哀痛之至

虎口餘生記

余日壬午春伐賊墓米人湧謂必招禍不測余諭  
諸曰如賊果怨修余一人當之定不爾累衆皆疑信  
不一而艾朝棟高映元馮起龍等實為賊之姻党聞  
賊行牌至西安有四月十九日起馬入秦之語遂群  
謀俟賊到時執余暨艾詔黑光正等獻賊逆謀叟  
有據余欲申聞撫臺而其巡捕常昌運與高映元內  
親恐其撰援中阻遂密稟張撫臺不意党人在勢要

門墻早為先容竟致沉閣值新按臺至為余回鄉金  
公逆党陰不安自共謀去余會部咨甄別賢否撫臺  
列余薦剝按臺又欲會題陞城堡廳党人亦揣懼  
值十有六年大計伊探訪余官評稱最其恨愈深遂  
捏造單款極力傾陷然終以司冊無過未能大害止  
蒙降處報到之日米人老幼泣嗟痛余之去而余舉  
家慰快謂得脫苦海且遠僦言也撫按皆諭苗候題照

舊官事余力辭任出疆是為歲之七月初旬至十

月六日而闖賊破潼關旋聞陷西安州縣皆望風投  
獻晉中震驚余十一月自澤歸里捫指逾歲賊烽已  
徧晉而東會真定叛卒殺撫臺迎賊固關失守三路  
犯神京遠迓震恐父兄親戚咸為余憂勸遁跡以避  
余憮然曰一身可隱其如八口何即妻孥可損孀母  
何賴萬一蒙難吾何以見先人于地下也况同堂手  
足一公族衆寧忍全一己之法貽多人之害乎吾原

為朝廷滅賊計今日為社稷死有餘榮矣何以避為  
遂違眾意三月廿一日驚傳思宗殉國余聞之北向  
痛哭再拜成服杜門謝客以聽天命四月廿八日聞  
人言嘖之道賊犯山海敗潰西走余聚親契諸生謝  
銘石等密謀欲興義師邀賊以雪國忿擬次日朔舉  
義旗而次日賊之緹騎到矣先教騎進城持令箭詭  
言覓公館實以覘余之居處也余窺知有變立街頭

待之頃有衙役二人專為公曹袁玉崇丸余不挺身

往見即付賊使白姓吳姓者云萬歲取你做官無恐  
也余隨之行入堂弟大任宅老幼驚避賊坐索飲食  
無應者不勝怒肆行欲毀搜掠執一僕為之供應偽  
官又遣人來供奉竝絆余不使離寸步內外不通一  
信傍年余長兄來視余始知母妻家口盡下獄一門  
兄弟俱被執則澤守兄暨堂弟廩生大顯大任大瀨  
姪銘瑄銘琦從弟諸生大防大中大謨大訓叔知縣  
維隆維明族叔諸生有道武舉有謨寄倉闔邑父老



討保長兄始來一面余聞之五內如割相對不交一言即與兄永訣矣謝生銘石來探余耳語曰聞賊已敗大兵且至兄放心行毋為賊屈我將謀有以脫兄者余領之初一日執余西行象為備一蹇衛僮僕散逃覓一布徒相隨邑人觀我者塞巷皆為噓唏余欣然就道是日至肅寧二日至安平三日至無極此日大雨賊象悉披雨衣余露身淋漓行三十餘里次日至真定入城喧傳萬歲駕將至賊党衣紅者滿街謂

老府兵見余咸擲揄曰是伐墓人耶帶余見偽馬帥入其三門一賊衣藍紗者云是旗鼓詢余伐墓始末入後堂稟偽帥訖傳言且出遂同旗牌至其家宿至次日初五日甫出即有賊來傳馬老爺上南門發兵候駕至便起行吳姓者遂帶余往見至街頭則云老爺上西門矣復至西城上吳姓者先到指余曰出城見賊兵自北而南塵土蔽天然皆老幼參差狼狽冷何干賊中夾帶男女三四輩全無紀律余見之不勝

愈憊如此鼠輩而所向無堅城致思宗屈沉真可痛  
哭流涕也恨余被執不能殺賊見其滅亡耳吳姓復  
同一任姓者押余入城至督府前候一二時偽帥不  
返條傳曰萬歲至矣不進城在關帝廟喫中飯即行  
二賊人帶余出城至廟外此時隨余縣役四人止存  
一王姓者餘暨跟驢人俱亡矣余自分闖賊見決無  
生理盡以後事囑王役託其傳語家人我死于國難  
無恨也須臾聞掌號賊象起身去偽帥傳語帶予亟  
行是日至獲鹿之上安次日日出固關值闖賊方殺人  
死者委積云關下百姓以塞井故又將賊卒之不帶  
弓箭者盡欲斷左手血肉淋漓慘不可言是時押余  
者三人任姓者夜逃偕縣役遁去遺下一馬余乘之  
同吳陳二賊出關見闖賊下馬陳賊欲稟知吳賊搖  
手而過使是時一言余矜竇矣初七日過平定州西  
賊中傳言火兵追至核桃園已抵關下調後營人馬  
回防二賊押復余回往平定東關外候示下至初十

日傍晚始傳止調精兵其資重先行此閣賊已先上  
太原吳賊同一賊僮押余馬步共八十九夜行一宿  
天明至壽陽南關搜米覓水炊飯食訖喂馬來飽余  
伺而卧吳賊出少時其賊僮來催余日起二牽馬行  
至南街路西一小門呼余入則吳賊在其內命余拴  
馬卸行李伊入室仰卧其僮亦上樓卧余亦假寐許  
久不醒聞馬卧余呼之不起出鞭之再三賊堅卧弗  
覺余遂出門北行迎一賊衣黃者問汝尋得水否余  
詭曰南頭無水余復北尋耳疾趕至舊店入門見三  
賊方東裝謂余曰汝已行何復返余曰來取水具耳  
進其後房院有一角外門即壽陽城下河中無水余  
跳遁城北復上東岸踰墻入空房內四顧不可蔽復  
踰垣出北走遇二鄉民持挺蓋槍營者詢余何來余  
詭云亦搜物者舍之而南余北走不百步許聞後面  
喊聲意追者至停步伺之則四五僮父各執槍棍圍  
余曰汝從賊來耶余應曰我逃難耳索財物余曰赤

身財于何藏盡上下衣與之換破衣二件僅蔽體遂  
東北行時日方午慮為賊所跡潛身山畔土窟中比  
至晚賊騎來者六七次皆未獲見月出甚高余始敢  
出穴不辨東西視月所向攀緣上下經墟墓澗澤中  
燐火螢焰殊非人境至曉逢行路者問所向余曰逃  
難回鄉問為何許人余詭曰保定諸生為賊所掠其  
人憐之指從此東北有方山寺可以棲身余謝之行  
凡三十餘里遂投僧刹住六日始東行僧眾各贈金  
錢數十作路費由山僻小徑詢路而行飢則匄食晚  
宿山廟凡經由土寇之叢數處余已作乞匄形無阻  
撓者但聞固關娘子關俱賊兵把守不敢過遇荷簣  
者三人識小路隨之入黃流口萬山險絕猿獠所經  
林木翳天日遇隄絕處頂踵相磨上天入淵凡數十  
折始及陸渡井陘大河六七道涉滹沱念余西遇時  
自分不返茲復生還不勝感愴逾真定與同行者二  
人分路向新樂余循舊路而東至肅寧折而北至西

柳村問路鄉人詢姓氏知族弟學在外久王宅傳語  
來見相淒其留余宿更余白衣黎明聞炮聲震天乃  
土賊為亂闔鄉戒嚴傍午後始息借余一蹇僕送至王  
家莊胡家為妹丈太學生永清其尊人舊河南太守  
龍江公暨其長公劍原在門見余來驚喜交集相持  
啼噓入見二妹不勝痛悼次日遣人報信至縣老母  
尚三僕来接傍晚到縣途逢猛雨冒行抵舍親戚族  
象惻勞者塞戶謁老母悲慟欲絕真再生相見猶疑  
寐也是為五月廿九日計被執時正滿一月憶余  
曾祈閔聖籤有直須重見一陽後始可求神望佛持  
之語余至真定為五月五日闖賊至自分必死幸賊  
勢迫促未見至壽陽而逃則重見一陽之說也先一  
日宿山中朦朧之際耳中聞先大人聲曰兒苦中又  
苦我傷而又傷尔弟見佛聖現光即生矣隨見有圓  
光大如初出日金光燦爛內有佛菩薩騎獅象而過  
皆有鬚髯不類素常所見像頭更光散其清如鏡正

照余身而覺天明至壽陽遂獲脫難  
順治元年仲秋既望再來人邊大綬識於長安僧舍

塘報稿

陝西延安府米脂縣為塘報事

職

自正月初二日奉

制臺密札隨喚貢士艾詔面諭機宜尋訪李賊去至

初八日艾詔回縣云自榆林尋得李成來見

職

隨進

後堂詢問稱言伊闖賊里人曾為賊祖葬墳因識其  
墓所賊祖李海父守忠係本縣雙泉都二甲人李闖  
賊名李自成幼曾為僧俗名黃來僧為姬氏牧羊奴  
自崇禎三年西川賊不沾泥作亂流入賊營不知下

落至崇禎九年賊領人馬千餘來縣城外自通姓名  
回家祭祖號稱闖將人始知其姓氏今年月已深不  
記其祖葬處當時葬日開土是三空穴內有黑碗一  
箇因填二穴用一穴安葬仍以黑碗點燈置墓內  
今但伐有黑碗者即賊祖也職隨喚練總黑光正堡  
長官王道正率領箭手三十名鄉夫六十名即刻起  
身入山一晝夜行二百里始到其地名三峯子住宿  
是為初九日夜下大雪深二尺餘山路陡滑馬不能

進職下馬步行五六里至其山塢道崎嶇久絕人蹤  
攀援而上又一里許見窰舍十餘處牆垣尚存即闖  
賊村莊再過一山則其墓也四面山勢環抱氣概雄  
偉奇木叢雜不下千餘大小墓二十三座伐五六塚  
其骨皆血色油潤不似遠年枯骨然皆無黑碗天晚  
難以下山遂坐賊舊窰中至天明再掘數塚而黑碗  
見即李海也其骨色墨黑額頭生白毛六十寸許其  
左側稍下一塚是李守忠墓頂上長松樹一株其粗

如辭根枝四圍籠罩用斧砍斷其墓始開中間盤白  
蛇一條長一尺二寸頭角巍然揚起三寸高向日張  
口復盤卧隨即裝入袋中黑光正盛伐其骸骨凡骨  
節間皆綠如銅青生黃毛五六寸許其餘骸骨有毛  
者七八塚盡數伐掘無火燒化大小林木千餘株悉  
行砍伐其山脈賊墓已破王氣已洩賊勢自敗其  
黑碗白蛇呈驗軍門訖理合塘報崇禎十五年正月  
十四日朱脂縣知縣邊大綬塘報

陝西總督軍務汪喬年手札

讀來諭足見門下報國熱腸第須察訪的確莫使波  
及無辜庶天理順而人心易亦成也他日滅賊當以  
門下之功為首此覆

汪制臺再札

來札知關墓已伐可以制賊死命他日成功定首叙  
以酌草覆



御史題秦中死難各官并榆林步地情形疏

十七年正月二十八日陝西監軍御史霍達題為秦

中死難各官并榆林失地慘傷情形仰祈聖明並議

優卹以示風勵事臣凡遇寨中逃出之人即逐細加

查問中有守城慘死各官關係名節當為勸懲之者

謹一一陳之賊攻省城如撫臣馮師孔力戰不屈死

按察司黃綱自縊死長安知縣吳溫義投井死渭南

知縣楊暄城陷被執不屈死已經按臣金毓峒具報

訖今所聞如商雒道臣黃世清聞賊攻破潼關自縊  
死于本道衙門蒲城知縣朱一統賊攻奮力守城內  
三四快手投賊立脅歸順本官詔以更衣身抱印信  
投本衙門井中死若鄉紳則原任磁州道祝萬齡聞  
城破身衣一帶速至閭中書院斯道中天閣下哭拜  
宣聖從容自縊死 既而賊掠三邊由廊

延及榆林中部知縣朱新遠自知守城不支先令其  
妻妾自縊死一妾尚未配合本官急遣之去其妾亦

泣情甘投環然後本官亦從容弔死北皆聞破潼關  
各官死難之情形也十二月十五日又據清澗縣據  
汾州府鄉戶任尚禮從榆林城北草地逃出將羸顧  
與茶商十一月十一日入榆林城止過一夜至十二  
日逆闖差偽官到榆林城下將銀數萬招降各官而  
道臣都任併開廢總兵王世欽侯世祿侯拱極尤世  
威各堡精健俱欽入城遍集城內官兵而問之日爾  
等或守或降說定主意使作區處滿城之人皆一詞

惟願死守於眾志守城自十二日講至十四日晚不能得降遂於十五日早四面犯攻城垣用火炮日夜攻打城上亦用大炮弓箭拒敵數日內城墻打壞數處賊入從城南開挖洞而入當時東西城塌壞數十丈遂於二十七日午時城陷而城內各鎮將與賊頭巷戰自午至晚往返冲突官兵死傷殆盡力不能支僅存千餘人從水西門殺出逃入草城外打死賊眾以三四萬計打傷賊頭目遇天星党將官等五人攬回省城而城內官兵與合城婦女死與自盡投井者靡有子遺又據兵部差官探聽得榆林現任總兵王定潼關敗回之後同高傑俱到延安府十一月初四日賊將到時高傑率兵渡河王定奔回省城至十二早帶領夷漢家丁數十人投入草城說要調取達子與闖賊廝殺報仇等情到臣、看得到逆闖攻入潼關以來陷省城破州縣人無固志所在瓦解而死事各官如撫臣馮師孔見危授命抗節不屈被賊殺在東

朱新建昭代本  
作朱親達今稱  
下文多作朱新  
達

城憲臣黃綱道臣黃世清誼不共戴義奮激烈皆自  
盡于本署知縣吳從義朱一統朱新建以天潢令尹  
合家盡難尤為獨慘鄉官祝萬齡生前身任名教臨  
難從容就義所當與見任各官並行從優議卹以鼓  
忠義者也至榆林素稱忠義之域年來餉絕軍飢困  
苦萬狀闖賊威脅利誘竟無一人為之易志即賊惡  
攻三晝夜力竭城垣各賊入城猶巷戰終日殺傷甚  
衆率致慘亡滿城忠義萬人一心從來有多聞難雖  
各官存亡尚未得的據而死守情形已極真切所當  
再行察明另請優卹以新殊典者也若夫未亡各官  
受賊偽官偷顏苟生者紛紛籍籍殊駭聽聞容臣再  
疏入告

殉節各官籍貫

陝西巡撫馮師孔<sub>圖</sub>河南原武人丙辰贈右都御史

按察司黃綱<sub>季</sub>河南光州人壬戌贈太常寺卿

高雒道副使黃世清<sub>澄</sub>海<sub>澄</sub>滕縣人甲戌贈光祿寺卿

即若昭代作  
浚若

榆林中 右叅議都 任即若祥符人癸丑贈光祿寺

西安府長安知縣吳從義青歲大興籍山陰人庚辰贈領事

蒲城知縣朱一統灤霞山西平定藉鳳陽人庚午

延安府中部知縣朱新達開山西汾陽人歲貢合門

鄉紳則有原任磁州道祝萬齡嵩丙戌咸寧縣人籍金谿

癸未本邑陷殉難

原任總兵王世欽

陝西總兵侯世祿玉齋榆林衛人

山海總兵侯拱極樞榆林衛指揮同知

指揮同知 尤世威

王學書

王世國

延綏總兵李昌齡川玉山東鎮番衛藉榆林衛人

渭南知縣楊 暄杏園山西高平人庚辰

附錄蒼舒兄酉陽雜筆

秦昭王使白起伐楚畧取蠻夷始置黔中郡漢興改為武陵有五溪謂雄溪藉溪酉溪澗溪辰溪在今辰州畧悉是蠻夷所居皆槃瓠之子孫也東漢初渠帥曰精夫槃瓠之後

沅水出群柯故且蘭東北經辰州潭州岳州經洞庭湖入江

武溪在盧谿縣西百八十里即五溪之一

酉陽縣舊屬武陵郡。漢黔州彭水縣地。所謂五谿蠻也。  
辰地早煖。正月初杏花大放。元宵節桃李鉄梗海棠  
盛開。正月杪梨花齊吐。二月望即見牡丹。至二月盡  
三月初花事翻寥落矣。詩柄有燈夕桃花雪裡梅花  
映雪海棠帶雪梨花諸咏。皆寔錄也。

辛巳年十月辰谿東門十里亭桐子樹上生一大刀  
狀如偃月。又生一劍。共托一根。其狀酷肖。即刻畫有  
不如者。解貯府庫。

自常武抵辰。婦女足多自然足。紉輪纏隻。日右足隻  
日左足。

俗供神像。有有頭而無軀者。名羅神。一于思紅面號  
東山聖公。一珠絡窈窕。號南山聖母。兩人兄妹為婚。  
不知其所自始。楚黔皆崇祠之。

婦女耳墜若番僧銅環。男家聘婦。用墜即表於耳。有  
重至一兩者。

嫁女用嫁履盈筵。廟見後出以送其夫族。即草履。

楚俗信巫尚鬼。皆虛中堂供佛。獨不置竈。炊烟冒屋而不得出。蒸而為煤。薰而為涕。更可笑者。門廡廳樓。簷宇逼湊。不露一隙光明。城外曠處亦然。

楚人作門戶。檻最高。門最低。稍長者必俯首出入。偶一忘懷。必遭磕擊。比戶皆然。

辰俗動以強姦誣人。教其妻堅執其所訟者。首尾捏造。若有粉本。及視其妻。則禿頂鰲面。鰾腹巨孽滿堂。匿笑而長舌。益萬痛治一二。乃絕。

僧袁寂澄抱牒。訐云急救妻命。事牒陳施。主公助娶妻蔡氏。與隣人爭田。被擊。訊之果髡。而有室者。此地髡而中髡。而娶不足奇也。

辰谿生女多溺死。故女甚貴。再婚者亦須三十餘金。前夫久而復訟。謂之求教。訟牒中十有六七。甚有男子僅三四十。而女人已六七十者。其老死不得娶者。又比比也。

辰俗棄妻不以為異。其退婚券中立誓云。一休二休。



十離九休、高山磊石、沉落深溝、清白新夫、永不回頭、  
辰俗迎春、廩生二十人、皆公服乘馬前導、迎新官亦  
然、禮生即廩生為之、

有叔訟姪者、稱其夫婦曰蛙夫蠶婦、亦新、

辰俗呼溺曰觀風、

呼外父曰家公、外母曰家婆、妻曰婆娘、婆而係之以  
娘、尊之也、非賤之也、向人稱妻兄弟為舍舅、呼叔曰  
晚、言其晚得也、亦有稱父為晚、者、言認為叔之、

子易長養、無刑尅也、尋常稱呼則稱父母為哀爺、哀  
娘、又有稱哀姐者、

辰字多訛、不問字義、即一人而自寫姓名、前後矛盾、  
有富民熊孟魁、投牒再為孟奎、三為孟達、後則以孟  
為夢、以魁為虧、其可笑如此、凡入官必寫如官以  
如為入也、有廩生湯仁洽、或呼之為仁合、或曰仁恰、  
又有庠生蕭洽露、亦曰恰露、

禮房書辦他出、寄書于其妻、與不手人算賬、其書云、

我殺已滿該得工食你可與他弄你若弄得明你可與他弄你若弄得不明且不要與他弄待我歸自與他弄

一訴牒云吹毛求疵令人絕倒然如此類者甚衆季考諸生題為以能保我子孫黎民有一生起比云民自黎也不關子孫事也子孫自子孫事也并不關我事也

童生題為與鹿豕遊一生云舜父頑也而舜與之遊鹿亦與之遊然則鹿其頑矣乎舜弟傲也而舜與之遊豕亦與之遊然則豕其傲矣乎

榮藩金印重十七觔今寄辰州府庫

癸未年河南掘一石碑上有字云衆姓孽惡貫盈借彼手伐伊人咸陽起梁晉落一畝川分三坡空據要地終無利一旦身亡石牛角 另一行云左良玉至此無糧後云劉伯溫留記

近又掘得碑記云遠望迢迢路骨多壯士終把劍

磨水居燕國歸南土血染滇黔流楚河馬尾羊頭猶  
自可雞猴相關奈如何若得太平寧靜日金猪銀犬  
息干戈

偏沅季乾德行檄至縣言近日蜀山崩出石碑有云  
今日流明日流：到如今斷了頭張也敗李也敗敗  
出一個好世界

闖賊的名自成一名交陝西米脂人

癸未冬末賊勢張甚忽童謠云勸你休時不肯休死

在兩縣夾一州若還要取辰沅靖鉄樹開花水倒流

——公安石首夾澧州賊退屯其地

癸未夏初武昌白日中一龍墮長街業已僵死其腥  
異常五月晦張賊陷城屠戮最慘長街一帶約數里  
靡有子遺

楚中之變億兆被劫肝腦塗地不必言矣惟天潢一  
派分封楚地最多如武昌則有楚府衡州則有桂府  
長沙則有吉府常德則有榮府寶慶則有岷府蘄州

則有荆府襄陽則有襄府荆州則有惠府岳陽則有華陽府永州各縣則有岷府蘄陽分封承天則有顯陵各有守兵一聞賊至望風而潰何當與一交手致金枝玉葉塗炭流離如惠桂兩藩係帝親叔而所至迫逐無容身地更可憫也

武崗州岷藩多行不義百姓勾賊攻殺被害癸未

三月二十一日報

惠藩於十二月二十八日舟次岳州大風忽起破其船二十餘號襄唐兩藩于正月二十三日船次

岳之陳陵磯五鼓亦發大風破其船百號兩藩宮眷及治院從官僅以身免

荆州臘月十六日破惠桂于初九日先移入舟偏

沅都督御史移鎮荆者為陳睿謨武進人庚戌微服豫遁今與惠邸寓湘鄉知府陳志忠臨川奔岳州長沙既陷桂藩護衛一空王出走百姓奔散賊隨據之永興衡鄰衡陷永必不全潰兵四五萬奔入永州騷擾民間先竄一空九月十九日賊至僅五六

百人而四五萬兵望風奔潰自相踐踏死者無筭直指劉熙祚武進人甲子被執不食六日自縊或云被殺于寧鄉宗師廟署永府篆者節推吳晉錫吳江人庚辰先奔歸籍後遁居者城

劉劬思自永州被陷為賊所執於癸未九月二十七日殉節于永陽臨絕賦詩二章題于署中有云

倥偬軍旅已逾年家室迢遙久別顏南北骷髏驚作壘湖湘宮殿修成烟鷓血不沾無塚骨烏啼偏集有

狐田死生遲速皆前定豈比丹心映楚天

故園隔別已經年今顏非比舊時顏山川草木皆含淚  
縱虎旂旌盡作烟老婦漫勞尋蝶夢兒孫切莫種書田  
襄弘化碧非奇事留此孤忠向九天

惠桂兩藩俱于九月十七八抵永州舟載宮眷輜重將往廣西全州僅距一百二十里湍急弗能上十九賊至兩藩乘馬逸宮眷俱被掠

長沙與衡州接壤守長沙江口賊不得渡八月間

桂府募兵六千，將尹先民頗驍勇，統兵據浮屠，施炮設柵，業有次第，而撫治王聚奎必欲吊兵守城，尹曾痛言守江為上，守城非策，王剛愎自用，不用其謀，賊偵無備，果一擁而入，王先遁，尹戰死，道臣馬雲超、長洲人乙丑遁，免節，推蔡道憲，江門晉江人，丁丑殉，難邑令吳應向，宜興人，丁丑亦先走，蔡公罵賊不屈，被磔，楚中撫治王聚奎，鄖縣人，戎衣隨，惠，桂西藩，奔廣西梧州。

桂藩體肥重，輿夫湏十八人，乃舉，有別苑十二區，每區集女樂百二十人，癸未之變，孔全斌副將步兵先於衡城外，劫典舖，桂藩即集諸女樂，并宮女共二千餘人，聚而燔之，號呼震天，并宮殿俱付一炬，孔將守長沙，具潰也，孔不知所在，部下統兵官郭天才傳大任，退聚洪江，恣行擄掠，橐中各擁重資，皆掠吉藩者，傳係孔將門役，廝養為時事可知，吉藩最富，拋擲幾十萬金，崇藩最貧，每年僅得粒

萬金耳其始奔也僅挾五千金富辰谿又費盡

襄陽壬午臘月初二日破 襄藩出奔撫治王永祚

崑山人已未并逃與 唐襄兩藩避長沙宜興知縣

陳石渠美新建人乙卯死之長沙距衡陽百里八月二

十五日長沙破 桂藩即以二十八日出奔越一宿

而人民逃逸盡矣城空賊入未嘗破也賊于九月十

長沙日始至史可鏡登戌辰進士為工垣長艱歸被察托腕

不平賊到即降授偽巡撫賊去團兵獲之以獻偏沅

得其致劉鐵棍書勸劉降賊乃痛杖五十發沅州詳

審獄具又杖二十欲其速斃而頑鈍不死想天厭其

惡也 劉鐵棍時為副將駐武崗有勇名靖州一帶

賴以全隨陞總兵

湖廣諸府不一年而失十四府所存者惟辰州耳襄

陽以壬午十二月初二破荆州以十二月十六日破

承天以癸未元旦破漢陽以三月廿二破黃州以三

月廿三已時破武昌以五月三十日破岳州以八月

初五破長沙以八月廿五破衡州以八月廿九破寶慶以九月初五破永州以九月十九破常德以三月初十破十一月廿三日子時再破惟鄭陽德安之破不記時月日

承天府癸未正月初一日申時破湖廣巡撫宋一鶴

九白奉清苑人庚午守道張鳳翥宿松人辛未

鍾祥知縣蕭漢南豐人丁丑死之巡按李振聲米脂縣人甲戌投降總兵錢中選華亭藉大同衛人被擒

寇破荊州考試諸生就試者九十人取七人首名賞三百金餘百金不取者各十金題為三分天下有其二後告考者甚衆賊云此皆開門投順不忠之士也盡殺之

鄭陽旁縣皆破惟府城賴西洋炮得全知府余啟元合肥人壬子超擢治院

衡永潰兵盡聚洪江屬淑浦縣約萬人所掠婦女三千餘人子女玉帛不可勝記統兵將官為郭天才



偏撫李乾德聞澧州既復統兵至淑浦聞常澧復陷  
即引兵而還不發一援不動一矢奇矣哉

左帥曾三擒張賊張說之云公爵永尊而索未厚不若  
釋我以為外懼後賂之數萬左頷其言遂歿全楚趙公  
子無瑕曾陷賊中言賊寔畏官兵夜不釋甲不離馬  
而官兵無一與之敵者線索暗通遵左令也

闖賊部下有四支張賊老狢曾操一斗粟皆受其  
節制老狢聽調而不聽宣張賊逢人則殺號西府

楚中傳言張獻忠於癸未四月廿三日已死有九子  
今猖獗者其長子張錦也

犯衡陽者為賊張獻忠第四子孔全斌被殺盡收其  
兵趙公子見其行軍長四十里見馬則搶人多不殺  
瑪瑙山之戰左兵甚銳張賊窟極陞崖傷一手大兵  
雲集給一日糧即可深入而川撫邵捷春侯官人已  
未遲迴不發致賊復逸楊閣部以情聞上邵雖速  
死而張賊用狡計破襄陽全羅禍邵死不足贖也

自賊中逃還者言張獻忠詭譎百端今見在未死為  
丙午生向傳其死者乃其狡計也

常字奉以明  
諱改嘗

常德屹然巨鎮為全楚咽喉滇黔門戶楊文弱請加  
雉牒金湯甚固道臣潘士彥宛平人辛酉忽於正月

十七日倡逃夜半開門出走為榮藩宗室制輔其輜

重道臣及家眷僅以身免其寵人唾鞋為象掠得跣

而出門潘守常德甚久有潘打劫之號甫晉兵巡值

分守兵備俱缺手握三篆而以勒王募兵為名公然

遁出致民無固志重地瓦解寸磔不足贖也

常德自道臣逃後遷徙者殆無虛日兼荆之逃弁周

晉者向為偏沅中軍統兵三千肆掠城市榮邸不

得已於三月初三晚逸出時世子甫半週國母止

二十二歲周弁勾賊而賊以空城不足厭其欲遲迴

良久于三月初十日始至城何嘗破掃空以待之耳

常宗室初四日欲出即不可得聞皆被害已而周

弁為劉直指訪拏杖死

常德自三月破後，賊去而逃，民漸復。我鄉徽蘇大賈，紛々重載而下，有五百人作夥，附大海舟，鉄猫桅杆，忽作吼聲，徽商溪南吳姓者，亟以桐油賤售，販豈還浦市，不數日而常德復陷，四百九十九人無一免者。嘗德秋間稍定，榮藩以十月初復歸，至再破而一掃無遺矣。獨國母幼藩幸得保全。

榮郎承奉云：賊有老成者，亦不妄殺人，惟宗室無免者。潘士彥以勤王為名，隨地道遙，正月二十七日至桃

源縣，復被士民驅逐。二月初至辰州，聞榮郎播遷，三月初六日，又携家眷至辰，谿後聞榮郎將至，十五日夜半，家眷先逸，士彥隨發其行也。酉陽士子叢而詬之，面責其悖。

署武陵縣事者為會同，令周麟光招靖州兵守護。藩郎統之者為王守備，名申錫。三月二十一日晚，藩郎舟至辰，守備縱兵肆掠，毀令乘輿，飛石亂擊，旁若無人。酉陽夙養軍兵，號精悍，聞闕而起，百姓助之金。

鼓聲天亂兵驚遁邑得以全

溫如珍係四川總兵初奉旨調守承天部兵六千

人壬午十二月二十八日至承天癸未元旦城破溫

頭被一刀墜城濠莫泰將救之得生六千人皆散失

沿途收潰卒四五十人至嘗德復招兵六千皆市滑

游棍否則亡命為盜者也既無糧餉惟恃劫掠嘗武

人恨之入骨冬月賊再至其部下弁流錢姓者統一

千三百人禦之牛皮潭人殊死戰而後五營先奔五

營者黔將譚得勝楊得功李奇監軍李之晟土司于

騰龍也五營既潰溫亦繼之而一千三百人皆飽賊

及矣今溫寓辰縣部兵僅存四千皆不可用

溫總戎察明敷勇衛藉雲南臨安人初調守承天則棄

陵而逃退屯嘗德恣行搶掠慘暴過賊其部下五

月不給糧專倚打撈為生及賊再犯嘗德又望風先

遁輜重山積皆棄不顧初有兵六千從賊殆半臘月

十七日過辰谿竟颺歸矣

溫兵過辰邑約三千有餘內婦女未及百人其妍麗者不過二三人聞其在益陽擄江右巡撫郭天門女勒索五千金贖女方有娘溫竟置幕中至宴客呼令佐酒坐客有泣下者溫弁自奉僭侈動用什物皆金銀製造姬妾近二十人為賊擄去十三人僅存其八有優女一班未動也

官兵沿途擄掠所得婦女號為兵眷

常武賊再退後楊仲遣人偵之民間家供一牌上

書西府萬二歲順民某人左隣某人右隣某人而其家則屠戮無遺矣聞賊審是官兵則斷其手城中手幾百擔白晝鬼嘯不見人影

玄墓山僧旭初以募緣至嘗武王府供養冬月之變隨顧弁走踰桃源追者躡其後僧登崖避之見官兵四五千入失魂喪魄爭前恐其後頃刻落崖墜澗死者不計其數僧以為賊大隊至矣及數之止十六騎耳而四五千人之望風急遁自相踐踏焉用是赧

趕者為

貴督遣副將羅姓者統三千人剿賊二月廿六日到辰谿停泊三月不行閱其行牌尚是十月廿九日貴省距此僅十餘日而逍遙四月俟賊蹂躪既遍屬厭而去援兵方下嘗武以恢復為名近來可笑大都此類辰州有哨兵二千餘臘月初二日調至辰谿十三日始去停苗十許日近縣樹木皆斧為薪自童槎以至拱抱無一免者始猶偷竊漸成公市一日一兵可得

四五分数日木價浮千金矣諸兵無糧全伏打撈為生又值歲荒惟得蘿蔔一味為朝夕饕餮當事者初以急調稍寧即置不用數日後復返面無人色噫兵驕將惰固今時大病廼欲其忍飢寒而驅之死地不大難乎

辰州節推胡會賓桐城籍雲南人慷慨任事加銜兵巡統兵復澧州益陽近嘗德再破則已殉節真烈丈夫矣後子節溪往崖墜得屍已喪其元其子認曲

指腿疔而得之。

左良玉先為李賊殺敗。心膽俱裂。統兵數萬。過承天而不援。直下省會。人皆以叛。兵目之。正月初。置酒高會。其部下皆子女。玉帛充溢。所為謂數萬者。婦女老穉。居其過半。寔四萬人而已。元夕。擬張燈火。會忽報賊抵漢川。連夜遁去。遂下黃州。圍城索餉。次下九江。安慶。飽掠客商。焚劫百姓。居然一叛賊矣。朝議憚其擁重兵。乃事姑息。加銜頒賞。何異養癰。今賊既去。仍

還省會。以恢復為名。酒色太過。暨蹙而行。民間皆畏

之若虎。

良玉戊戌生。

張獻忠令票云。西府平南先鋒張云云。其詞悖逆。不能悉舉。總為楊閣部而發。有云。楊某吊動天下兵馬。與予為難。其子又到處團練兵鄉。敢行抗拒。楊今已中吾刃。今掘其坟墓。燬其房屋。有拏得楊族一人者。賞銀十兩。有拏得其親子孫兄弟者。賞銀一千兩。後書癸未十二月日。上有平南先鋒印。楊公子仲丹親

取出見者。

楊氏本南直建平縣籍。國初以赤籍隸武陵。今族亦僅百指。列衣冠者二十餘人。甲科尚存二人。薊撫無山公其一也。修齡之祖曾為染匠。

嘗德夏秋賊退。民居重構十已七八。仲冬重破。恣行焚燬。髻鬣不留。屍山血海。聞者傷心。故相楊文弱三子及其弟侍郎無山公子幸而得脫。揚閣部戊子生。庚戌二十三成進士。庚辰死。封彊。年五十三。

楊大司馬修齡公墓。癸未冬為賊所發。舊崇王乃王太妃子。年十四而殂。太妃哀之。罄宮中珠寶金玉殉葬。癸未春亦被發。

楊氏四世墓俱被發。大司馬修齡公及其祖父骸骨皆燔而粉之。雜草剝以飼牛馬。閣部公獨葬沅江縣在天星湖之濱。距武陵三日。被發時蠶玉肢體如故。賊支解其屍。龍陽百戶某收其元首及一子。宋其懿戚。認定不認。



揚修齡公父葬已四十年癸未冬盜發之其面如  
生刀斫其頭鮮血噴出賊見而異之故遺也

逸出先是蕙圃翩<sub>々</sub>里中一日出郊外有被髮而爭  
鬪者若不欲生訊其故則其人姓萬川客販椒為牙  
僧負二十四金有急欲歸索不得耳蕙圃慨然如數

應之其人感識姓名而去歐當寇時僅一子七歲以  
為死矣乃為賊擄入川恰寓萬姓之地地方殺賊而  
苗其穉各詢所自子能言其父祖名姓萬抱持泣曰  
此子思人子也乞養之亡何而其上官須姓者無子  
轉字為子蕙圃不知也偶其宗人入川邂逅萬客附

一信至從須索之須不能諱然百計難留蕙圃因其  
年伯陳鹿苹時為偏沅持令牌令箭開關數十里而  
往始得其父子重合子已十八歲矣子出手示人  
右手兩指半削則初擄去時馬上罵賊以刀斫之  
故也

明季實錄卷之四終



